


卷一



可任訴高天兮泣血踏厚地兮崩心
樹碑兮神道無媿兮
詞林歷陽之都兮水沒圓嶠之海兮
山沉俾外孫兮幼婦
生白玉兮黃金

文苑英華卷第九百十九

文苑英華卷第九百二十 碑七十七 神道三十八

職官二十八

刺史二

後周青州刺史齊貞公宇文彪碑一首

唐贈荊州刺史成知禮碑一首

唐維州刺史安附國碑一首

唐河州刺史冉寔碑一首

後周青州刺史齊貞公宇文公神道碑

楊炯

惟皇帝大電之精以太清而張樂惟高辛招搖之象以人
事而紀官於是乎生我司徒敬敷五教翼贊虞帝而成熙
庶績惟殷湯受天明命以統九有之師惟微子崇德象賢

以爲萬邦之式於是乎生我丞相約法三章光輔漢室而
威加四海大齊宣皇帝商周之日號西伯以稱臣太祖高
皇帝堯舜之朝避南河而革故司空臨川獻王懿親明德
論道經邦中庶子平樂侯開國承家丹書白馬於是乎生
我齊貞公惟魏之寶惟周之幹開上帝而格天地集作皇天變
陰陽而平水土詳求典載歷選台衡或大澤而康帝圖或
高丘而濟王業諸侯五百伊尹出於庖厨甲士三千太公
起於屠釣未有上從軒后下及今集作全齊聖主明君三居
域中之大帝師王佐累極人臣之重古所謂歿而不朽者
抑斯之謂與集作乎公諱處字明俊蘭陵人也卽宣帝之玄
孫高帝集作皇之曾孫臨川王之孫平樂集作陵非侯之子稟神

河岳藉慶王侯攀兩曜之末光乘集作得五行之秀氣温厚
廉集作恭厚讓當時以爲達人宣慈惠和天下謂之才子屬三
方鼎立九土星分祿去公朝失諸侯之盟會政由梁國建
天子之旌旗士女同歎於商墟鬼神共謀於曹杜公杜門
屏跡心不自安與門生故吏數百人歸於後魏宣武皇帝
以客禮待之詔除給事中假龍驤將軍正光五年兼彭城
府長史假節則將軍比於王濬長史兼於杜襲龍驤可畏
晉后任之於集作以渡江騏驎不集作所非乘魏氏集作皇託之於
集作以留府六年除通直郎散騎常侍中書侍郎永安三年
帝北巡遷撫軍將軍銀青光祿大夫散騎常侍散騎通直
起於天興之元中書侍郎始自黃初一作延之代宣王撫

軍之號僕射光祿之名奇才惣於文武重任歸於將相徐
方叛逆以公為行軍長史兼統別部仍加鼓節彭城宋邑
海岳徐州嶧陽孤桐羽畎夏翟昔稱都會今實邊陲魯伯
禽始得專征周穆王遂行天討公手執旗鼓坐謀集作帷
幄以陶侃部分之明當阮孚戎旅之重有如荀美獨召逸
群之才不學江適空有連雞之稱集作徐州平遷黃門侍
郎揚州大中正黃扉藹藹集作青瑣沉沉有若張公之萬
戶千門博觀圖籍太湖為侵會稽為山若有荀勗之十郡
一州詮藻人物累遷大司農秦稱內史漢曰司農管夷吾
陳不涸之名耿壽昌立常平之議時播百穀后稷讓於虞
集作書阜成兆民集作列卿拜於周典普泰元年遷車騎

將軍加右光祿大夫永熙二年出為潁川太守人集作稱

汝穎俗尚申韓有鄭伯集作之別都有周公之朝邑教之

德化無囚歷於八年集作任於集作賢能旁潤踰集作於

九里于時齊武王居中作相實有遷鼎之謀周太祖在外

持兵深懷事君之道昭公失位由季氏之執權襄王出居

成晉文之霸業三年秋八月武帝幸長安以義兵從順大

統元年授開府儀同三司封靈縣開國子邑三百戶金堤

石印清濟濁河爰賜土田以為藩屏漢之宰相始開封邑

周之列辟集作實兼卿士二年拜車騎大將軍九年遷五

兵尚書十年遷中書監領驃騎大將軍加開府儀同三司

進爵為公增邑一千戶天子有詔不入軍門匈奴未滅不

營私第蔡謨兼五兵之署集作鄧騭比三台之儀掌中書

之綸翰加上公之冕服十六年遷侍中驃騎大將軍以下

並如故昔惟常伯今則侍中切問近對拾遺補闕冕旒無

象先問顧和王佩集作佩玉不存即徵王燦廢帝後二年公不

賀出為使持節華州刺史侍中並如故桃集作成林國邑太

荔城隍三秦六輔之奧區五岳四瀆之襟帶倪寬之為內

史唯事溉田薛宣之守馮翊但知拱默集作垂拱尋加特進餘

如故官品第一朝廷集作當朝所敬辟吏如五府之間班列在

三公之後唐虞之繼文德也稷契謨明於兩朝魏晉之順

大名也裴王建功於二代周武成三年進封青州齊郡公

邑二千戶賜號東岳先生詔曰堯有四岳朕惟公一人賜

雜彩二千段甲第一區雍州良田百頃其優禮如此堯命

羲仲星鳥嵎夷之官周賜姜牙穆陵無棣之境三王不襲

同盟固於泰山百代相因舊國傳於百海惟保定四年公

薨於長安私第天子罷朝群臣赴吊喪用官給嗚呼哀哉

五年贈少保使持節楊光桂三州諸軍事揚州刺史

史謚曰貞公禮也公小丁外艱州黨稱其孝齊武皇帝見

而歎曰可謂吾家魯閔外祖太尉公王儉謂其子侍中騫

曰成汝宅相者在此孫乎公之北歸也後魏宣武帝勅曰

昔微子去殷項伯歸漢卿又得之於今公泣涕橫流跪而

對曰臣家國不造鼎祚淪亡進不能匡正退不能死節今

復集作故託身有道何敢比德古人帝因此重之及周太祖

作相西朝王侯之下皆望塵而拜公與之抗禮太祖尤相
 敬待屢有諮詢集作問嘗從容曰國家之子房也公體淳和
 之至性負廊廟之大才孝通神明忠定社稷馬伏波來遊
 二帝晏平仲能事百君在魏則賈詡荀攸在周則太顛闕
 天惟司徒克慎厥始惟丞相克和厥中惟公載德克成厥
 終三后同其政道子孫訓其成式輝光助於日月德積廣
 於宇宙以某年月日葬於少陵原國遷三代年移十紀杜
 當陽之碑石沉漢水而無聞仲山甫之鼎銘入匈奴而不
 出魯孫皇朝右金吾將軍同州刺史得照宏才大節玉振
 金聲入當天子之右軍出臨帝京之左輔承積善之餘慶
 襲太宗之不遷願述家風思傳祖德是用勒銘刻石一作勅

豐石相質披文載於景鍾大夫稱伐之義書於太常諸侯計

功之道追題尾脣鄭康成北海之門重刻碑陰張平子南

陽之墓其詞曰黃帝攝政勤勞耳目舉于版泉集作居戰

于涿鹿咸陽黜夏登壇受福表正萬邦績禹舊服其逮乎

微子周之國賓降及蕭叔宋之懿親高祖丞相王迹是因

宣皇御史杜稷之臣其二太陰所立皇齊誕聖既創元基仍

集大命謀孫翼子重熙累盛天祿永終南風不競其惟公

載誕克嗣家聲千丈多節三年一鳴待時而動以族而行

才歸晉國壁入秦庭其符堅拜首降天之使陶豫策名勤

王之事任隆起草榮高近侍赫奕禁門雍容貂珥其日暮

青瑣夕郎之職法駕畢陳黃門次直帝王之盛成集作在

農殖如京如坻我黍我稷其六吳王舊國採山鑄錢公為中

正佩以蕭紘夏禹遺跡今來潁川公為太守示以蒲鞭其七

齊稱東帝周稱西伯諸侯謀王天子下席公子忠義如彼

松柏其八發自新邑歸于陸海魏德雖衰天命未改功成晉

鄭為而不宰寵茂山河於是乎在其九亞夫真將去病元勳

持兵對揖絕漠行軍尚書武庫抑有前聞待中重席曾何

足云其十當途遜位有周經野三集作二是國唐虞集作二兩朝裴

賈出守馬翊人無訟者受封于齊實匡天下其十一晨占赤

鳥集作鳥夜辨黃熊曾參易簣期於今終于囊城郢沒有遺

惠明君集作主輟祭郡臣會同其十二黃屋左纛輕車介士朝

發桐鄉暮歸蒿里積善餘慶由來尚矣公侯集作之子孫必

復其始其十三

唐贈荊州刺史成公神道碑 前人

成氏之先有周之後姬文受命三十八王邠伯象賢二十

一代漢之少府國家維城晉之廣楊王室藩屏公諱知禮

其先上谷人也子孫避地徙于曾祖休寧後魏汾州刺史

齊持進左右衛大將軍宇文朝江州刺史隋成陽郡公謚

曰武勳格皇天澤充區域該備寵榮兼包命賜祖少遐北

齊民曹郎中宇文朝地官上士襲城陽公建國之屬以訓

五品以親百姓君父綽隋金紫光祿大夫唐深州刺史上

柱國天子大夫金章紫綬天王使者皂蓋朱輪公誕保靈

和受茲介福講之以學合之以和純粹以積其中文明以

宣其外出於口者必是先王之言萌於心者莫非君子之德戒慎乎其所不覩恐懼乎其所不聞豈時止時行左宮右徵在朝濟濟在家雍雍祗服弘業克丕堂構襲城陽公歷箕州平城洛州邯鄲二縣令武鄉里閭榆社隄封公宰平城日宣三德悲歌相聚紘服成群分宰邯鄲雷震百里儀刑嘉誨範乎人倫令問廣譽塞乎天壤將蹈九列平三階豈意一作郡生或作茂遂並非大和交薄而天道難謀降年不永春秋若干以某年月日終於某所夫人宜城縣主聖神皇帝之堂姊王姬外館之長女夫人道峻於閨房名輝於邦國我大周叙洪範作武成大賚而萬姓悅垂拱而天下理法號惟舊制贈荊州刺史生則唐堯不用沒則周武追封為

龍為光有始有卒立名於後以顯其親反葬於周不忘其本以某年月日歸葬於碣石恒山燕南趙北禮儀光被宗族相臨大夫弔桓子之喪天子歸惠公之贈遽瑗之葬不害良田孔丘之塋不生荆棘長子司衛少卿兼檢校魏州刺史太辨中子左鷹揚將軍太方少子朝議大夫行司漢主簿太琬等門承四代德盛三賢有終身之憂盡生人之本璽冊褒贈宜宣無窮景鍾勒銘若古有訓嗚呼哀哉其銘曰神岳之英大川之精如山之峻如流之清行之斯立言之斯成登車發耀在邦有聲傳於舊國舊國惟平宰于二縣二縣惟寧余聞舊說天鑒孔明誰謂靈誕喪落淑貞永錫不匱克揚其名冊書光寵沒有餘榮系曰列星垂象

兮炳天光白露爲霜兮沾人裳彼蒼天兮殲我良列星垂
象兮炳天暉白露爲霜兮沾人衣九原可作兮吾與歸

唐維州刺史安侯神道碑

李至遠

夫招搖東指寰區識天下之春溟漲北臨川谷有朝宗之
地况乎皇明發而萬物覩天衢亨而四隩宅故以驟險浮
深同文協軌者也若乃壤隣驕子家號名王握葱野之瑰
竒漱蒲源之粹液并蛙自許旣累蝨於越子風鴻且遇仍
嗣美於秬侯則大將軍安侯其人矣侯諱附國其先出自
安息以國爲姓有隋失馭中原無何突厥乘時籍雄沙漠
侯祖烏喚爲頡利吐發番中官品稱爲第二王庭雖跼方
冠射鵰之勇帝鄉何遠空鬱衝牛之氣父肫汗望日月於

中衢奮羽毛於邊服勢同鵠起功隨豹變貞觀初率所部
五千餘人朝詔置維州卽以肫汗爲刺史拜左武衛將軍
累授左衛右監門衛二大將軍封定襄郡公寄等連城榮
起合壘析圭胙土時議稱之侯運偶千年才標一日服太
阿而善斷覽介石以知機有顧鶉籠實懷先覺廼心鳳袞
奚歎後予於是拔跡泥沙翻飛霄漢亦以貞觀四年與父
俱詣闕下時年一十有八太宗見而異之即擢爲左領軍
府左郎將尋令與鴻臚丞趙德楷諭旨於吐谷渾虜安鸛
鳩之巢敢恃螳螂之斧旅拒成命逼迫行人遇困加威脅
舉步逢艱阻侯以命有所繫靜以體之節不可失貞以守
之雖弦矢屢移而鐵石無改旣而加兵一盪凶氛四徹竟

獲全歸僉以爲蘇武鄭衆不獨高於前代矣璽書歎述遷
本府中郎將賚布帛五百段又加秩爲忠武將軍行本職
十九年太宗揚鑿斲撫清海俗於三韓駐蹕聊麾駭天聲
於六漢侯公叅末將績預深消一作元戎詔論功授上柱國封
關虞縣開國男食邑三百戶永徽元年拜右領軍將軍餘
如故荷元天之廣運承湛露以晞陽蒲壁開南面之尊蘭
錡盛北軍之寵門驅駟馬匣紐雙龜薄暮歸來輝光不獨
於三子辨色而入前後方叅於五侯疊蓋流軒徽枝岌業
足以震輝都鄙謳謠泯庶尋丁定襄公憂執喪無替於少
連讓爵自先於季札及其字人按部和風布政使幼艾不
懷昔渠不驚非樹其長莫諳其俗以此高乎兼本官復拜

爲使持節維州諸軍事維州刺史朝咨良牧之能物喜吾
君之子入虔戎政縉共宿於星廬出變夷歌扇重暉於日

域龍朔中隨府易名政

疑作改

爲左戎衛將軍總章年進爲

右戎衛大將軍刺史勲封並如故日觀崇巖雲封峻霄三

五之聲已邈八九之跡難追天子繫壇場疏圭壁報功崇

德騰茂實於石間侯亦勵熊羆從金鼓前清後禦聲忠勤

於玉帳咸亨初追討斯闕仍本封進爵爲子加邑四百戶

方當降錫上罇行昇右地嘯洪崖而自狎揖浮丘以曾舉

而殷相肇夢晉寢成妖古謝今形仙禽致是非之難寒疑

暑退大椿屬摧落之期哀哉奄以調露二年二月十八日

寢疾終於神都春秋八十有三永隆二年二月二十三日

葬于雍州長安縣孝悌鄉之原禮也惟侯緒茂膏梁基循
 鼎胄絳河潛潤每孕傾都之寶丹野成章必矯冠群之翼
 弱便英邁長實弘遠劍連三術道家史一作是以前驅德包
 五善揖楚臣於下席從吾所好方盡銳於戈矛在物或遺
 故無資於筆硯加以動會規楷性非因習泣畫象於離宮
 真資孝敬感飛泉於異域雅蹈忠誠利以義通功以濟物
 故能夙攀問闔函奉鈎鈐効心膺於中年享高明於暮景
 左右深率從之奇始終無纖芥之隙行師則訓兵以律受
 任則執禮無違非才優體二道恭感一惟微惟熙至公至
 平者疇能與於此哉悲夫琴心輟奏去高堂而不留筮氏
 觀龜創幽窆而期兆鼓秋風於古樹誰識將軍思白口於

荒辭空懷中散賓御簪今寒野暮池館靜今浮雲陰可作
 無時與歸何想長子故右玉鈐衛將軍北平縣公思祗一作
斌藻身淑慎流聲奕葉繁滋遽委危露先飄次子魯州刺

史思恭等趨表闕以擗心涉禮庭而收泗薦蘭之誠徒切
 集蓼之哀求萃思所以髣髴一作心形容掄揚清懿託問詞
 於廣陌播雄名於大隧廼為銘曰

閨風透迴河氣靈長於昭化毓實延英芳稜飛玉塞勢軼
 沙場家承有土祚歷無疆分源何從揚飈南入一作急削枉

荒庭殺凶大邑孝平何取忠焉是襲花綬遙遙雲冠岌岌
 敷命河首逢羈海裔雲天變色鄉關無際虎噬徒交壯心
 益勵卒延裒謙豈嗟拘滯作固蘭陞仍分竹符盟申帶礪

禮盛傳呼巖廊女警祕宇晨趨還便後殿出必前驅本枝
隱蔽宣條求瘼惠起人誼清惟主諾野乃聞勞門非藉惡
是聽夏聲諳知戎落旋增厚秩亦追崇封逸豫斯扈一作
車服以庸庭紛舞籥室韻歌鍾寧悲曷景遽落高峯梁木
李一作應悲井田俄殞廣川去楫脩途廢軫倏今已喪蕭兮
而盡神乎不測天乎何忍永背青臯既安玄夜泉臺構壤
山門反駕野吹方噎榮輝不借德雖隆於九原神豈奄於
萬化

唐河州刺史冉府君神道碑

張說

昔者堯舜既沒文武將墜天縱孔聖誕敷皇極於是乎恢
六藝而正王道舉十哲而闡微言雍也爲德行之目求也

爲政事之首吾見乎龍翰鳳音

集作雜

百代而共貫虎符犀

節重世而增華明德之後知其必大公諱寔字茂實其先
魯國鄒人也古天子有相氏宅于相土實曰冉姓蓋氏族
之興舊矣不常厥所今爲河南人焉五代祖睢陽公諱道
周尚齊南康公主位平南將軍散騎常侍荊州刺史信州
都督高祖諱軫仕梁太子左內率荊州刺史齊梁之間荆
巫重鎮世善其職江漢宜之曾大父義城公諱黎在梁雲
麾將軍湖州刺史入周拜驃騎開府儀同至隋開皇中爲
旭州刺史大父黃國莊公諱安昌隋落平城祚之穀壁唐
分蜀國瑞以桓珪其後改封於黃授信州刺史歷潭州惣
管贈夔州都督烈考天水郡果公諱仁才秩金紫光祿大

夫婚皇室漢南縣主涇浦疑作浦澧表江集有陵字未凡六州刺

史備矣哉承家善慶歷代名臣風流載於史官勳業藏於

王府公即果公季子天王自出內稟胎教混成之姿外被

門風式瞻之訓從容合度次造皆法生而知之孝悌也學

而知之禮樂也德義如山文章如泉縉紳之士仰焉宗焉

弱冠太學生進士擢第遭家不造府君捐館五日絕漿三

年泣血雖麻葛就禮而藥棘加人服闋調并州大都督府

叅軍事丁太夫人憂過哀終喪有如前制應八科舉策問

高第授綿州司戶叅軍轉揚州大都督府倉曹叅軍又舉

四科敷言簡帝除益州導江縣令鴻漸二鎮翰飛三蜀府

中之孫子荆郡內之岑公孝用能據淮距海我度如砥

山導江入境先歎加朝散大夫除鄜州長史仍加關內道

支度使去青城之洞府來白帝之廊祠命服有輝使車何

重除婺州司馬入謝于武城殿主上以邊庭有事喜問陳

湯宣室清言思逢賈誼公集作名上對醞籍謀慮深長眷甚

前席恩加後命因改恒州長史于時四鎮未復三集作二蕃

猶梗屯田遶塞戎馬生郊代郡藏符臨冀北而誠重漢家

張掖比西河而還輕乃徙拜涼州都督府長史仍知赤水

軍兵馬河西諸軍支度使地壯伏龍城雄飛鳥位居半刺

史惣全邊公仍利溝洫懋薦裘痔芟藁積糗糧均轉輸程

力役寬御悅使授方任能人胥忘其久勞兵不遠其長戍

集作道雖金方氣候集作映風雨集作雨雪不交之地磧路沙霾草

木不植之所莫不豐滯穗於垆牧馱其瓜於戍時朝廷賴
 之遷使持節河州諸軍事河州刺史仍知營田使崆峒連
 五郡之壤積石控九河之源公夙奉皇華政聞行路集作露
 高車未至闔境相歡既見君子溫其如玉率性仁愛由衷
 易簡推是心也物感斯應覩肅恭而無競見禮義而興行
 不言而庶事熙非教而群下順故得大田多稼人知歲豐
 餉軍廩師處勤餘裕計偕入朝侍宴於長壽殿上謂公曰
 河州軍鎮要衝屯田最多卿以足食為心朕無西顧之憂
 矣侑以綵幣錫以文袍集作袞及公還州也壘書勞勉王人
 相繼國家經集作經流沙梁弱水收西域護南庭連百里之
 兵以濟事於外不一日而乏者則公之力也無駭入極可

謂齊齊父勝之杜預平吾蓋知羊叔子功爾宜登元老作
 二天朝止于邊服實孤人望享年七十有一證聖元年二
 月十日寢疾終官舍天子悼焉凶費喪歸悉命官給是日
 河湟耆老山谷羗夷反首務面號奔州邑雖國亡子產吏
 哭祭遵豈能集作云過也愷悌之化人之父母及其沒也哀
 亦如之信矣夫夫人金城郡君隴西李氏江夏王道宗之
 女也宜此象服爛其盈門嗣先姑之徽音立庶姬之範則
 薜華前落藁瘞城隅以證聖二年正月合葬於河南之定
 鼎原禮也天使馬悲啓滕公之室人看鶴舞閉玉女集作王母
 之墳松栢接於邛山丘陵對於伊闕石麟將闕華表何年
 有子曰祖雍景龍初擢給事中兼侍御史內供奉追惟皇

考孝于奉親忠于事君恭於立身惠於臨人物是四行旁
通具美貽厥孫謀以燕翼子故老之口既絕竹帛之文又
滅揚名兮柰何刊石兮來裔詞曰

倬哉冉氏世有仲弓鐵冠繡服給事於中克昭遺懿樹之
家風於皇嚴孝高明有融德岡不遵藝何不涉嗣武先正
思文載叶建旗千里逮君六葉龜顧印房虵盤綬篋官以
勤積業因時峻宰號神明掾稱親信驥足既展軒卽集作亦

軻邦國海康京師河潤出車西域我君謨集作謀之屯田北

假我君獲之六軍有饋其誰度之一人無憂其誰樂之猛
獸避德均遷所蒞靈鳥依仁霸昇執事以今視古名齊績
類天不憖遺山頽此位隴首回望秦川斷腸吏人攀縶來

薦隨喪虛靈奠野行臨帷堂廟立邊郡魂歸故鄉王姬祔
葬禮之終也水合蛟龍墳同石馬地積霜露烟攢松檟千
載九原高碑淚下

文苑英華卷第九百二十

文苑英華 卷一百九十一

十四



